

Expediente IET: P-21-267
Proxecto: Parque eólico Porto Vidros
Concellos: Cerdedo-Cotobade e Campo Lameiro (Pontevedra)
Promotor: Naturgy Renovables, S.L.U.

INFORME DE IMPACTO E INTEGRACIÓN PAISAXÍSTICA

De acordo co artigo 37.1 da Lei 21/2013, do 9 de decembro, de avaliación ambiental, e co artigo 11.3 da Lei 7/2008, do 7 de xullo, de protección da paisaxe de Galicia, con data do 17/10/2022 o Servizo de Enerxías Renovables e Eficiencia Enerxética da Vicepresidencia Primeira e Consellería de Economía, Industria e Innovación, somete a informe do Instituto de Estudos do Territorio (IET) documentación relativa ao proxecto Parque eólico Porto Vidros.

1. Antecedentes:

O IET emitiu informes sobre este proxecto con datas do 21/06/2021 e 06/09/2022, no marco do procedemento de avaliación de impacto ambiental ordinaria.

2. Marco legal:

Consonte co artigo 15 da Lei 1/2021, do 8 de xaneiro, de ordenación do territorio de Galicia, e co artigo 28 do Decreto 244/2011, do 29 de decembro (modificado polo Decreto 42/2019, do 28 de marzo), o Instituto de Estudos do Territorio (IET) é o órgano competente para emitir este informe en materia de paisaxe, de acordo co que para tal efecto establecen os artigos 32 e 33 do Regulamento para o desenvolvemento da Lei 7/2008, do 7 de xullo, de protección da paisaxe de Galicia, aprobado polo Decreto 96/2020, do 29 de maio (RLPPG).

En desenvolvemento da Lei 7/2008 aprobáronse o Catálogo das paisaxes de Galicia (Decreto 119/2016, do 28 de xullo) e as Directrices de paisaxe de Galicia (Decreto 238/2020, do 29 de decembro).

De acordo co artigo 11.1 da Lei 7/2008, todos os proxectos que deban someterse a declaración de impacto ambiental deberán incorporar no estudo de impacto ambiental un estudo de impacto e integración paisaxística (EIIP), como documento específico no que se avaliarán os efectos e impactos que o proxecto poida provocar na paisaxe e as medidas de integración paisaxística propostas. O contido do EIIP debe axustarse ao disposto no artigo 11.2 da Lei 7/2008 e nos artigos 26 e seguintes do RLPPG.

3. Análise do EIIP, dos efectos do proxecto sobre a paisaxe e das medidas de integración paisaxística:

A documentación que se somete a informe consiste nun escrito con data do 06/10/2022, xunto cun documento denominado *Respuesta al informe emitido por el Instituto de Estudios do Territorio en relación con las medidas de minimización sobre los afloramientos rocosos de la posición T4-02 del Parque eólico Porto Vidros-Oct 2022* (asinado o 06/10/2022). Nese documento expóñense as medidas aplicadas para reducir os impactos sobre os afloramentos rochosos no lugar de emprazamento do aeroxerador T4-02, as cales consisten en: deseño dun novo percorrido da gabiá eléctrica, redución e desprazamento da zona de acopio de pas, redución da zona de acopio de torres, e eliminación da zona de montaxe da pluma da grúa. Así mesmo, inclúense planos comparativos da afección sobre as formacións rochosas coa



situación previa e co novo deseño, ademais de identificalos mediante fotografías a pé de campo.

Por outra banda, cabe salientar que no documento analizado incorpórase como anexo (Anexo II) unha actualización do EIIP no que se recollen as novas medidas adoptadas, e cuxo contido non difire substancialmente do que fora sometido a informe deste organismo o 06/09/2022.

Á vista da documentación presentada, pode considerarse que as medidas propostas serán efectivas para reducir a afección sobre as formacións rochosas na contorna da posición T04-02.

En relación ao impacto visual do parque, ao non se producir cambios na localización dos aeroxeradores, cabe remitirse ao informe mencionado anteriormente.

4. Conclusión:

O EIIP considérase completo e axustado ao disposto no artigo 11.2 da Lei 7/2008 e nos artigos 26 e seguintes do RLPPG.

Como xa se tiña indicado nos informes anteriores, en especial no emitido con data do 06/09/2022, o principal impacto paisaxístico deste proxecto será a incidencia visual producida polos aeroxeradores, que pola súa forma e altura, serán visibles desde unha ampla extensión de terreos e a longas distancias; esta incidencia perdurará durante todo o tempo en que estean instalados os aeroxeradores, e verase incrementada polo efecto sinérxico derivado da presenza doutros parques eólicos na contorna. Neste caso, entre as zonas afectadas pola incidencia visual cabe destacar os núcleos de poboación, as AEIP próximas e os miradoiros. Esta incidencia visual, aínda que non pode ser mitigada con medidas correctoras agás nos núcleos rurais, non supón un impacto crítico. A este respecto, considérase adecuada a medida recollida no EIIP, relacionada coa directriz de paisaxe DX.20.c, de prever a execución de pantallas vexetais nos núcleos de poboación de existir unha manifesta preocupación social polo impacto visual dos aeroxeradores.

En relación a outros impactos, as novas medidas preventivas incluídas no EIIP mitigan as afeccións sobre elementos naturais de interese paisaxístico presentes na contorna, como son os afloramentos rochosos.

En todo caso, de acordo co artigo 30.3 do RLPPG, as medidas de integración paisaxística deberán quedar oportunamente recollidas no proxecto.

Non será necesario solicitar un novo informe do IET.

José Luís Álvarez Vicente
Xefe do Servizo de Planificación da Paisaxe

José Antonio Serantes Barbeito
Director do Departamento Técnico de Estudos

Visto e conforme, Enrique Luís de Salvador Sánchez
Director do Instituto de Estudos do Territorio

(Na data da sinatura electrónica)

